

**VIRO AMPLISSIMO  
FRIDERICO E  
MARCHIONIBUS  
MANFREDINI  
PATAVINORUM...**

---



26. 53

VIRO AMPLISSIMO

**FRIDERICO**

**E MARCHIONIBUS MANFREDINI**

PATAVINORUM EPISCOPO RENUNTIATO

QUO DIE

**CATHEDRALEM BASILICAM**

SOLEMNITER INGREDITUR

Quo die Patavinorum Episcopus renun-  
tius Cathedralē Basilicā ingenti omnium  
plausu solemniter ingredereris, officii mei esse  
duxi publicam Tibi obsequii ac observantiae si-  
gnificationem exhibere, magna exultantis animi  
laetitia ac gratulatione. Hoc siquidem a me po-  
stulare videbatur cum pastorale munus, quod  
me Tibi perinde ac membrum capiti arctissimo  
quodam quasi vinculo ac prope cognatione con-  
jungit, tum certa spes fore, ut Civitas ac Dioe-  
cesis universa haud parvum inde adjumentum  
capiat atque utilitatem: quae porro spes in dies  
clarior affulget, ac bonos omnes maxima volu-  
ptate perfundit. Hanc vero honoris significatio-  
nem Tibi testatam volui quibusdam versibus  
rudibus plane ac inelegantibus, sed quae obse-  
quentis animi sensa plenissime patefaciunt. Hoc

tamen vehementer doleo, quod iidem neque amplissimae dignitati Tuae, neque hodiernae festivitatis decori ac magnificentiae ex aequo respondeant. Quod mihi est ita firmiter persuasum, ut eos nunquam edere ausus essem, nisi pro certo haberem, ad summorum Praesulum ovationes non solum poetarum cantus ac dulces sonitus cithararum, sed etiam raucisonos gestientium popularum clamores vel plurimum conferre. Quamobrem spero futurum, ut, quanquam nihil in me sit, ex quo aliquam possim commendationem quaerere, Tu tamen digneris signa benevolentiae ostendere amantissime suavitate illa Tua, qua animos recreas et solaris, atque meos versus, quicunque ii sint, quos in praesentiarum Tibi subjicio, optime Antistes, perhumaniter excipias, ac licet tanto haud dignos ornamento Tuis ornes auspiciis. Quod si cui in hac potissimum virium mearum infirmitate plus justo audere videar, is sciat non me de meipso, sed de Tua benignitate, ut par est, confidere, quae una in causa profecto fuit, cur illos in tantum hujus celebritatis lucem, quam ex se ferre non possent, fidenter emitterem.

Рн. Z.

# FAMES JUSTITIAE <sup>(1)</sup>

## ELEGIDION

**O**, quem Justitiae bene suada Fames premit usque,  
Virtutis referas praemia digna tuae.  
Haec Istrum Tiberimque velox pervasit, eamque  
Mox Caesar sensit, sensit et ipse Pius.  
Hinc paribus studiis ad claram <sup>(2)</sup> Te atque vetustam  
Prodocimi sedem junctus uterque vocal.  
Hoc dudum Deus, hoc oracula superna tulerunt <sup>(3)</sup>,  
Hoc sibi Justitiae vult saturanda Fames.  
Lactantes caput attollunt Athesisque Padusque <sup>(4)</sup>,  
Quod domus ac patriae Tu decora alta novas.  
Junctaque fluminibus gestit patruum umbra sepulchro,  
Cujus tellus adhuc, aequora et astra ferunt  
Nomen <sup>(5)</sup>. Te resonant pingues circum undique campi,  
Teque omnis toto flumine ripa sonat.  
Laetior at, magnisque fremens Te plausibus unda  
Medoaci repetit, concelebratque patrem.

Ito igitur, quo te Numen vocat. Omnia ridet  
 Undique fausta Tibi. Fallor? an ipse Deus  
 Non Tibi grandia spondet? molles dulce virentum  
 Pratorum haud herbas tangere etiam coluber  
 Audebit, subito aut vitreas accedere lapsu  
 Puri ad fontis aquas. Tutus in herbiferis  
 Jam pascet campis nivens grex: tutus ad amnes  
 Descendet rignos usque levare sitim:  
 Frondiferae jucundam tutus ad illicis umbram  
 Otia jam carpel mente animoque petens  
 Florentes colles, nemorumque amoena vireta  
 Fortunatorum, sidereasque domus,  
 Gaudia coclicolûm centum, quo diva vocari  
 Vox tua, vox dulcis sollicitique patris.  
 O mille aucta bonis tanto sub Praesule tellus,  
 Quî sibi cunctorum dotibus egregius,  
 Ac raro sapiens moderamine corda revincat!  
 Felices populi! terra beata nimis,  
 Quam beat ore suo, roseo quam lumine vestit,  
 Ac replet solidis undique deliciis!



## ANNOTATIONES

---

(1) **E**pigraphæ jamdiu prostrans in aula Episcopii maxime tanti Praesulis memoriam perennatura.

(2) Episcopalis Cathedra Patavinæ clarissima cum ob longam et non interruptam seriem Episcoporum incipientem a D. Prodocimo, qui Patavinis Episcopus datus fuit ab ipso Apostolorum Principe D. Petro, tum ob illorum plures doctrina, prudentia, pastoralis sollicitudine ac sanctitate praestantes.

(3) Vulgo fertur, ante dictam epigraphem, atque aliis hujusmodi, quae in eadem Episcopii aula plures leguntur ad perpetuam Patavinorum Antistitum recordationem, sanctum quemplam dictasse verum, affante Numine.

(4) Flumina, quae inter in amoena planitie exurgit Rhodigium, unde ortum suum duxit laudatus Antistes e patritia Manfredinorum Familia gerere, doctrina, virtute ac religione praestantissima, nec non claris insignibus et egregia summorum munerum perfunctione.

(5) Fridericus Manfredini patris Friderici hujus nostri amantissimus, cujus virtutes ac praeclara merita laudes omnes superant.







